

Stichting Monumentenfonds:

E restauracion di e Faro di California ta cla!



ORANJESTAD - Diabier-
na 26 di augustus a agrega
un capitulo nobo na e his-
toria di e Faro na Hud-
ishibana. E restauracion
cu a cuminsa aña pasa a
keda cla!

E proyecto tabata bou di
encargo di Stichting Monu-
mentenfonds Aruba (SMFA)
como propietario y bou
di guia di Monumenten-
bureau cu IMD Aruba
como arkitekto y Ecoline
Aruba como contratista.

Den presencia di su Excel-
lencia Sr. Gobernador hunto
cu e partnerman di e proyecto
a haci e apertura oficial di e
Faro di California na Hud-
ishibana. E atardi a habri
cu un bunita cancion dedica
na e Faro di California can-
ta pa Gilia Croes y sigui pa
e palabranan di e directora
di SMFA Anne Witsenburg
cu a tuma e oportunidad pa
gradici na un y tur cu a for-
ma parti di e proyecto aki
cu pa e Stichting for di dia
cu a cuminsa cu e plannan
a dura en total cuatro aña.

Despues di palabranan di
entre otro Minister di Cul-
tura, directora di Monu-
mentenbureau y Aruba Bank
a haci entrega di e yabi nan



simbolico. E yiu di e di-
rectora di SMFA a haci en-



trega di e yabi na e nieto di
e directora di Faro Blanco
restaurant representando
asina aki e generacion nobo
cu den futuro lo ta encarga
na sigui mantene e Faro pa
hopi aña mas. Tambe a haci
entrega di un yabi na direc-
tor di Aruba Ports Authority.
Siguiyemente a dirigi e in-
vitadonan pa e Lighthouse
caminda cu Monumenten-
bureau a pega e cello monu-
mental como indicacion di
cu e Faro ta un monumento
proteha. Despues Su Excel-
lencia Gobernador Sr. Re-
funjol hunto cu Minister Ot-
mar Oduber a corta e sinta pa
asina habri e Faro di Califor-
nia oficialmente. Por ultimo
e prome grupo a subi e Faro
pa prome biaha dirigi pa Sr
Romulo Fingal cu ta e yiu di
e ultimo cuidado di e Faro y



cu tambe a indica e atardi aki
su alegria di por wak e Faro
den bon condicion atrobe.

Apa y Faro Blanco ta esnan
cu lo huur e Faro caminda
cu Faro Blanco Restaurant
lo ta encarga cu ofrece opor-
tunidad na publico pa subi
ariba y APA lo ta manera
sempre encarga cu e luz pa
guia e nabegantenan. Esaki lo
contribui asina aki na entra-
da pa Stichting Monumen-
tenfonds Aruba por sigui
mantene e Faro den condi-
cionnan optimal pa evita cu
e bolbe yega na e punto cu
e tabata prome cu e restau-
racion. Tambe e atardi aki
Aruba Bank como partner
importante cu a contribui
cu un suma pa por restaura e

California Lighthouse y tam-
be cu e documentacion di ful
e proceso di restauracion, a
haci e anuncio di cu pa un
aña largo clientenan di Aruba
Bank lo por subi e Faro com-
pletamente gratis. Pa mas
informacion pa subi den e
Lighthouse por tuma contac-
to cu Faro Blanco Restaurant
of riba pagina di Facebook :
California Lighthouse Aruba.
SMFA ta gradici na un y tur
cu di un of otro forma a apor-
ta na e proyecto importante
aki y na tur persona y instan-
cianan entre otro operador
di tour etc. cu e cooperacion
durante e periodo di restau-
racion. Stichting Monumen-
tenfonds Aruba lo sigui asina
aki trahando pa preserva nos
pasado pa futuro! □